



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der Hutterischen Widertaufer Taubenkobel

Fischer, Christoph Andreas

Jngolstatt, 1607

Ob inn der Kirch auch böse gefunden werden?

urn:nbn:de:hbz:466:1-32901

Namen dadurch bekömen / gleich wie Pontius Pilato
 im Credo. Herz dein Will geschehe. Habt euch derwe-
 gen disen Namen / daß jr euch wider Christi außtrucks-
 lichen Befehl / wider der Apostel Lehre / wider die
 Meynung der Väter / vnd wider den Gebrauch der
 gangen Christenheit als eigensinnige setzet / vnd las-
 set zu / daß ein Ehegemahl im Leben des andern auch
 zu einem andern heurate / gleich wie Peter Van zu
 Stigniz / vnd Elisabeth Böckin zu Wascowitz mit
 der Fürstlicher Wissen / haben gethan / wider die klare
 Ordnung Christi. Wer ein abgescheidene zu der Ehe
 nimt / der bricht die Ehe. Wer sich scheidet von seinem Matth. 5.
 Weibe / vnd nimbt ein andere / der bricht die Ehe an
 ihr / vnd so sich ein Weib scheidet von ihrem Mann /
 vnd nimbt einen andern / der bricht die Ehe. Bricht a- Marc. 10.
 ber derjenige die Ehe / der ein abgescheidene nimbt /
 wiewiel mehr wirdt nicht derjenige auch die Ehe bres-
 chen / der sein erstes Weib behält / vnd doch auch dar-
 neben ein andere ihm vermählet.

**Was die Widertauffer vonn der
 Kirch halten?**

Tirulus
 VIII.

**Ob inn der Kirch auch böse gesun-
 den werden?**

Nein.

Wir bekennen auch daß ihm Gott durch
 Christum ein Volck erwählet / angenommen
 vnd erworben habe / daß sie ohne rungen / ohne
 flecken / ohne tadel / ohne maasen / sondern rein vnd
 beylig / gleich wie er heilig ist. Derhalben ist die Ver-
 E iij sambt

lung der Ungerechten vnd Sünder / als Hurer /
Ehebrecher / Schelter / Trunckenpolz / Geizige / Ei-
gennütige /c. vnd alle die da thun vnd reden die Lus-
gen / Ein Gemein Gottes / vnd gehören in auch nicht
an. **Rechenſchaft** / fol. 37. b. & fol. 38. b.

Mit diſem Kott haben ſich vor zeiten die Pelagia-
ni, als S. Aug. de hæref. 88. meldet / wie auch zum theyl
die Hussiten ar. 1. 3. 6. beſudlet / mit diſem haben ſich
auch die Widertauffer wollen ſchön machen / damit
man ſie rechte Glider der Kirchen auch hielt. Aber die
guten Herrn haben weit geſchlet / denn S. Aug. an an-
gezogenen orth vnd Ioan. de Turrecremata in ſumma
de Eccl. lib. 1. c. 3. haben jnen also diſen Kott in die Tas-
ſen geriben / daß ſie ſelber wol werden empfinden / ſol-
ches ſey ein ſtinkender Kott; vnangesehen daß die H.
Schrifte die Kirchen vergleicht einem Kornhaus /
daß der Herr wirdt ſegen / vnd den Weizen ſamben
inn ſeine Schwere / aber die Spreuer werde er
verbrennen mit vnaußſchlichem Feuer / vnd das auch
vil in die Kirche beruffen / aber wenig außgewehlet.

Math. 3.

Math. 22.

Titulus
IX.

Was die Widertauffer von den Heiligen halten.

Ob es ein Abgötterey ſey die Heyl-
gen anzurüffen?

Ja.

SArumb iſt es ein Abgötterey alles da der
Mensch hilffe ſuchet / es ſey gleich bey den Heyl-
ligen / oder jrgendes bey einer andern Creatur /
denn